



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM  
Komisija za ostvarivanje  
ravnopravnosti spolova u BiH  
Broj: 01/8-011-796/01  
Sarajevo, 11.februara 2002. god.

#### Z A P I S N I K

6. sjednice Komisije za ostvarivanje ravnopravnosti spolova u BiH Zastupničkog doma  
Parlamentarne skupštine Bosne i Hercegovine, održane 11.februara/**veljače**  
2002.godine

Sjednica je počela u 12 sati.  
Sjednicom je predsjedvala Violeta Kamberović, predsjedavajući Komisije.  
Sjednici su prisustvovali: Bahrja Osmanović, Hilmo Neimarlija, Abdurahman  
Malkić, Amor Mašović i Momir Tošić.  
Sjednici nisu prisustvovali Mirko Baković i Dušan Stokić.

Za sjednicu je predložen i usvojen sljedeći

#### D N E V N I R E D

- 1.Usvajanje Zapisnika sa 5. sjednice sjednice Komisije
- 2.Informacija o zaključcima sa zajedničkog sastanka komisija entiteta za  
ravnopravnost spolova, održanog 30.11.2001. u Sarajevu
- 3 .Prijedlozi i mišljenja za izradu Orjentacionog radnog plana Zastupničkog doma  
za 2002.godinu
4. Razno.

Predsjedavajući Komisije je konstatovala da se 6. sjednica zakazuje po drugi put  
jer prvi puta zakazana za 29.novembar 2001. godine nije održana zbog nedostatka  
kvoruma.

Ad-1

Zapisnik sa 5. sjednice Komisije usvojen je jednoglasno bez primjedbi.

Ad-2

Informacija o zaključcima sa zajedničkog sastanka komisija entiteta za  
ravnopravnost spolova, održanog 30.11.2001. u Sarajevu

Predsjedavajući Komisije je podsjetila da su sastanku u okviru "Projekta podrške  
parlamentu" u organizaciji OSCE-a prisustvovali pored članova Komisije i članovi  
komisija entiteta za ravnopravnost spolova. Nakon obavljene javne rasprave na  
pomenutom sastanku dogovoreno je da se na teme zlostavljana u porodici i trgovine  
ženama održe javne rasprave uz finansijsku podršku OSCE-a.Na rasprave bi se pozvali  
i predstavnici nevladinih organizacija kao i određeni eksperti.

U raspravi su učestvovali: Bahrja Osmanović,Hilmo Neimarlija Abdurahman  
Malkić i Violeta Kamberović.

Zaključeno je da se održavanje javnih rasprava na utvrđene teme u okviru  
"Projekta podrške parlamentu" organizira u saradnji sa OSCE-om kao i da se dogovore  
troškovi organizacije.

Ad-3

Prijedlozi i mišljenja za izradu Orjentacionog radnog plana Zastupničkog doma za  
2002.godinu

U raspravi su učestvovali:Abdurahman Malkić, Hilmo Neimarlija i Violeta  
Kamberović.

U Orjentacioni radni plan komisije bit će uvrštene zakonodavne aktivnosti iz  
prethodne godine koje su u parlamentarnoj proceduri, a na osnovu utvrđenog  
Orjentacionog radnog plana Zastupničkog doma za 2002. godinu Komisija će izraditi  
svoj plan u okviru djelokruga poslova.

Predloženo je da se iniciraju određene rasprave i kroz ostale zakonske projekte  
u kojima bi Komisija mogla dati svoj doprinos za bolje regulisanje prava koja potiču iz  
djelokruga Komisije.

Mišljenje ja da se afirmacija rada Komisije može ogledati kroz generalnu  
parlamentarnu aktivnost, pokazivanjem zainteresovanosti za probleme u društvu.

Ad-4

Predsjedavajući Komisije je zamolila članove da se odazivaju sjednicama kako  
se ubuduće radi nedostatka kvoruma iste ne bi otkazivale.

Takođe je konstatovano da je Mirko Baković, do sada prisustvovao jednoj  
sjednici pa je dogovoreno da predsjedavajući Komisije obavi razgovor sa  
poredsjedavajućim Kluba HDZ-a u pravcu predlaganja drugog člana umjesto njega.  
Očekuje se i izbor u članstvo Komisije iz Stranke za BiH umjesto Medihe Filipović,  
poslanika koji je razriješen članstva radi odlaska na drugu dužnost.

Sjednica je završila u 14:00 sati.

Zapisnik sačinila  
Emira Češljarić

Predsjedavajući Komisije  
Violeta Kamberović